

Ҳадича онамиз



18:29 / 18.12.2017 5443

215

Такрор такрор тингларди, бул қиссани Ҳадича,
Ишқи тушди Ҳабибга, Ҳақдан сўрар ҳолича,
Хизматларин қилай мен, танда жоним борича,
Ҳадичани қалбига , ишқин солганди АЛЛОҲ.

216

Барча хотинлардан ҳам, зийрак эди, бу аёл,
Ақли, фаҳми , чиройда, гўзал эди буаёл,
Ҳусни жамолҳаёда,ортиқ эди бу аёл,
Араб хотинлар ичра, афзал қиганди АЛЛОҲ.

217

Ҳадичахалқ ичинда, одоблари ягона,
Бой бўлса ҳам покиза, мушриклардан бегона,
Совчи қўяр саййидлар, ишқида кўп девона,
Бу аёлни фитнадан, сақлаб қўйгандиАЛЛОҲ.

218

Ибни Навфал сўзларин, бор юракдан тинглаган,
ҚанчаларбуюкИнсон, келмоғини англаган,
Кечиб барча саййидни, Фақир Зотни танлаган,
Мақсадлари дунёмас, билиб турарди АЛЛОҲ.

219

-Фақат Муҳаммадда(С.А.В)бор, амаким айтган ҳислат,
Лойиқ фақат Ул киши, келсагар буюк давлат,
Барча элдан ажралиб, тўкибтурардисавлат,
Кўкдаги ой мисоли,ажратиб қўйдиАЛЛОҲ.

220

Ўйлар тинмай туну кун, бу ҳаётнинг лаззатин,
Оғир кунлари келса, ёлғиз қилсам иззатин,
Жону дилдан Ул Зотни, қилсам дейди хизматин,
Дуоларин мустажоб , қилибқўйганди АЛЛОҲ.

221

Хурсанд бўлар кўзлари, кўрган захот қорасин,
Қандай бирга бўлсам деб, излар эди чорасин,
Чора излаб ҳар сафар, эди жигар порасин,
Бор дардини айтмоқга, журъат берганди АЛЛОҲ.

222

Совчи келар тинмасдан, саййидларни зўридан,
Жой олган битта эркак, қалбларининг тўридан,
Раҳмат кутар Ҳадича, бойларданмас чўридан,
У танлаган чўрининг, хожаси Битта АЛЛОҲ.

223

Сабаб излар ҳар сафар, тушса нигоҳ-нигоҳга,
Фақат қилар бир орзу, кирсам дейди никоҳга,
Ҳасадқилар кўп аёл, хожат йўқдир изохга,
Элчисига мос йўлдош, тайёрлаб қўйди АЛЛОҲ.

Жиззах шаҳар “ИМОМ БУХОРИЙ”

Жомеъ масжиди, имом ноиби

Ҳалилов Умиджон Абдуҳаким хожи ўғли